

明世宗實錄

卷二十五至六十六
嘉靖二年四月至五年七月

大明世宗肅皇帝實錄卷二十五

嘉靖二年四月壬申朔太廟上以災異脩省勅諭中外文武群臣曰朕嗣大歷服撫臨億兆仰惟上天付託之重俯念小民屬望之切竊臣孜孜圖新治理未嘗敢懈頃因風雷水溢之變已嘗勅諭中外臣工同加脩省天未悔禍粵自去秋曆冬以至今春幾旬之內雨雪愆期恠風屢作塵霾蔽天四方災異奏報頻仍朕心甚懼深思上天所以示戒之故豈用舍猶有失其宜者歟刑政猶有乖于理者歟下情未能上通而恩澤未能下究歟朕痛自猶省側身修行思以轉定為祥惟爾兩京及南北直隸十三布政使司文武群臣皆為朕分理庶務有撫安軍民之責宜各持廉秉公勉脩職業以副朕憂勤惕厲之意惟吏治之得失實民生之休戚所關各該有司多有貪黷害人怠

惰廢事者務須懲究罷黜使羣臣知所警懼不可徇情曲庇惟
斯民之貧富實邦本之安危所係一應錢糧有奏詔蠲除遇災
減免者務須查勘開豁使窮民得沾實惠不可虛應故事惟刑
獄枉濫因繫久淹以致民心愁怨上于天和各處因犯除屢
審情真者法難宥免其情可矜疑事因註誤者在京遣司禮監
太監南京守備太監各一員會同法司在外鎮巡會同三司從
公辯問俱與從輕發落以後但有伸冤訴枉之人問刑衙門俱
要上繫歸結不可任意監禁致令無辜死于桎梏惟盜賊兩過
兵革之餘閭井蕭條僊屍遍野尤可矜憫被劫人戶務宜加意
存恤流移者招撫復業量免糧差死亡者官與獎埋勿令暴露
至于京軍之服役頻繁邊軍之戰守苦苦天下各衙所軍士之
月糧久缺該管人員毋得仍加剝削以傷其心朕深居九重於

民情政体豈能周知惟賴尔等輸忠竭誠同心匡輔凡利所當
興弊所當革者務臻實效毋事虛文庶幾可以盡敬天勤民
之道以保治于無窮尔等其欽承之故諭△陞南京刑部右侍
郎王鎮為南京戶部尚書南京太常寺卿王承裕為戶部右侍
郎總督倉場△陞江西瑞州府知府胡堯元為廣西布政使司
右叅政食正三品俸錄其宸濠時功也△癸酉△陞廣東布政
司左叅政丁沂為江西按察司按察使湖廣按察司副使劉志
淑為本布政司右叅政直隸蘇州府知府戴冠為山東按察司
副使提督學校命有司給終養廵撫都御史方良用月米三
石仍著令凡致仕終養節行可稱者優禮皆如之以都御史姚
鏊之言也△罷刑部尚書張子麟及總督南京糧儲都御史張
介令掌通政司事尚書俞琳廵撫汀贛都御史聶賢自陳以南

京科道論劾也。甲戌。以災異脩省遣官祭天地宗廟社稷山川。上諭礼部臣曰。上天示戒災異頻仍朕心憂惶特降勅諭恩興内外文武群臣同加脩省凡係吏治民隱興利除害政務皆從實舉行以回天意柱歲以江南水災亦當戒諭所司未見施行都察院其并申明使知朕意其行過事蹟以聞。南京工部尚書崔文全乞致仕不允。復除四川道監察御史余朝原職。刑部尚書林俊言祭酒魯祿道足以鎮雅絀浮學足以訂頑立懦宜加弘治間起謝鋒例不宜聽其養疾疏下所司。御史喻茂堃劾襄陵王府奉國將軍偕泓通賊出城刑部覆議詔革祿米三之一。因命襄陵王戒諭鎮國中尉旭構勿黨父惡。乙亥。給故寧王妃及其子孫養贍米歲百石待子孫封日停止。戶部言鎮國將軍成鏞等子女並樂婦所

生于例不得封今復比庶人例請給食未實于祖訓有違臣
請斷自正德十二年以後凡非例請給者並議罷親王不得代
奏違者並罪其輔導官上是其議△巡按福監御史王以旂
等言盜起廣東轉入漳泉勢其猖獗請罪諸嚴盜不捕者得旨
地方多盜所司不能預防遇截法當逮治第時方有事姑停俸
令勦賊自輸事定別議功罪以聞△丙子△尚書彭澤御史張
景華皆請慎選兵備官吏部覆議頃者兵備宜固有用非其才
亦有才不盡用者蓋撫按制以文法有司忽其事權動相掣肘
何以責效請假以便宜稍重其權使得展布報可△刑部尚書
林俊以災異連詔疏獄囚死罪以下發遣有差軍官犯職者視
職以俸償官△丁丑△陞南京都察院右副御史胡壻為南
京副都石侍郎南京光祿寺卿劉瑞為南京太常寺卿翰林院

侍講崔銑為南京國子監祭酒。陞浙江右叅政顧璘為山西按察司按察使。浙江台州府知府羅僑廣東布政司左叅政湖州府知府劉士元湖廣按察司副使起用工科右給事中陶諧為江西僉事。廣西左江分守左叅將吳啓宗以罪革回原衛以右江分守右叅將錢勛為左叅將代之。而以署都指揮李璋充右叅將代勛任。從巡撫都御史張嶺奏也。先是興獻帝陵廟當易黃瓦。上令于南京官窯造辦而工部以下湖廣諸司巡按御史何鰲言湖廣災傷特甚。陞下章宸而賑濟之矣。今又役其力于千里之外歛其財于懸罄之時民何以堪宜用銀三萬餘兩令南京兵工二部共濟成務。章下兩司。戊寅。陞河南布政使司右布政使孫脩為浙江左布政使。戶部議開封府所屬州縣殘于流賊。今歲額糧暫改折銀石七錢不為。

例△戶部言遞洋一總漂流漕糧二萬餘石布花銀鈔不贖官
軍溺死者五十餘人請治把總王鑽等罪詔下漕運都御史按
問追償△巡按御史王鈞言山後地方產榛子而長陵年駐
占為榛廠請罷之以資官軍又薊州關營赴倉支糧道里回遠
官軍或假以自脫有失守之虞請量以遠者改折色今有司就
給之使戶部議皆可行上命關支糧銀如議行山後地姑仍
舊勅管理榛廠官勿侵民利△己卯△陞貴州按察司僉事夏
邦謨為雲南布政司左參議△庚辰△工部以脩省故酌議諸
工作緩急以請上可其議命城垣城濠脩濬如故勅提督官
刻期完工盡罷諸不急者△辛巳△陞戶科左給事中李學魯
為吏科都給事中右給事中毛玉儲呈汪思為左給事中玉吏
科呈兵科恩刑科給事中劉穆鄭自璧為右給事中穆吏科自

壁刑科△陞山東按察司副使李珏為浙江布政司左參政河
南按察司僉事崔瓚本司副使開封府知府翟鵬陝西按察司
副使△左都御史金獻民等以脩省勅諭條柳其文列為五事
開具上請 上曰朕念天下軍民困苦政治多缺失以致災變
頻仍再降勅諭令中外文武群臣各脩職業仰荅 天戒即通
行撫按三司諸臣嚴督所屬務脩實政勿事虛文△耐馬都尉
京山侯崔元以閔說獄情為刑部主事陸澄所劾且并元帖封
入 上曰刑官執法不聽屬說自其職分何必以名帖封奏置
之△壬午△改巡撫保定右副都御史周季鳳為南京都察院
右副都御史協理院事起原任南京都察院右僉都御史林玉
總督南京糧儲陞南京鴻臚寺卿陸淞為南京光祿寺卿△以
三公兇堡等屢斬獲功百戶楚欽等陞賞有差△御史鄭本公

勅分守遼陽副總兵張銘反定遼都指揮周輔奸利事詔輔逮
問銘單任△癸未△巡撫山東右副都御史陳鳳梧上疏乞休
上以其素有才望不允命宋儒朱熹裔孫聖為翰林院五
經博士于婺源奉祀初御史王完言熹實徽之婺源人其宗族
墳墓在建安已置博士世祀考其次子四世孫勲遂居婺源巨
如衢州孔廟側官其子孫嬉長者一人以主祀事礼部請下有
司覈實以聞故有是命△革協守延綏副總兵都指揮同知朱
奎回衛以都御史姚鏐劾也△甲申△陞福建布政司左叅政
宋寬為河南右布政使雲南左叅政鄧相本司右政政使江西
南昌府知府吳嘉聰直隸大興府知府任忠俱按察司副使嘉
聰山東忠山西命祀故工部主事費瑄于呂梁瑄于成化間
奉命管洪築石壩捍水以通漕舟作石堤以便挽者歲省脩費

草束役錢各三十餘萬又時旱疫殣設法賑濟所全活衆民思之私為立祠至是知州張淮以請礼部覆議故有是命○添設山東青州兵俗以丁憂僉事牛臺銓註從都御史牛鳳梧奏也○司礼監太監蕭敬奏各監局單臣查單數多供應缺之請以洪武等年舊例一千五百餘名僉補兵科叅奏言如是則錢糧何所支給詔書何以取信兵部亦言詔書所單乃正德間新添非洪武以來舊額如復僉補則革者皆得冒入以致耗損京儲興正德中何異其令以來單人數應役有逃亡者乃下清軍御史勾捕從之○兵部言陝西總制侍郎李鑑既以召還具征勦亦十刺及脩邊諸務宜有所屬上乃勅巡撫都御史及鎮守巡按等官嚴率所屬行之○先是皇親陳萬言辭黃華坊賜第有旨卜之西安門外工科給事中鄭自璧等言西安門外新宅

己官幣之民不宜奪與萬言時方脩省亦不宜妄興土木且近
所籍入第宅皆可予何必新宅萬言復以為請工部尚書趙璜
等議以西直門內張雄宅給之可節省財力上竟賜第西安
門外於是給事中安磐余瑾等御史屠森等連章言寵過戚里
不宜太過疏皆報聞△乙酉△給事中張原言祖宗寄耳目
于言官風聞有諭掖拾有禁所以防壅蔽之患開忠益之門今
被劾者率具奏詞辯深究窮追甚乃迭相排毀輒肆反噬度僚
同于聚訟朝廷為之多事損傷國体非所以示法導下也官實
不職甘受人言請先罷黜上曰朝廷設置言官正以扶善抑
惡糾枉表忠今復諸臣務公平正大協和趨事以敦雍睦之風
原供職如故△逮戶部管糧主事羅洪載下鎮撫司獄初錦衣
衛百戶張瑾率校尉楊受等支俸糧通倉橫取狼籍洪載捕受

等按其非事連瑾瑾請懼求杖以抵罪洪載不責其過已卒杖之瑾遂奏洪載擅習禁衛官校日以脅日榜掠人上怒令下獄考訊於是刑部尚書林俊戶部尚書孫文提督會場太監陳佑給事中劉濟張漢卿安磐沈漢鵬張達等御史沈俊楊樞楊鑒秦鉞屠濬等戶部郎中張好爾等辦事進士王月等各上疏論救請改付法司從公問鞠是下鎮撫司知之已鎮撫司具獄詞上得旨洪載調外任瑾奪俸三月吏部尚書喬宇等執奏不允調湖州府通判△丙戌△刑科給事中劉世揚言去冬無雪比來亢旱陛下側身修行齊戒省徇雨雪隨至此守一念之所感格顧陛下擴而充之自今罷朝之後日御文華殿與儒臣講求治道仍采古聖格言書之宮殿日顧諟之燕閒獨處莫非齊戒之念則可以轉災為祥矣上嘉納之△丁丑△戶

糾給事中杜桐劾奏祭酒趙永食後不職宜罷下所司知之
戶部尚書孫交以病告滿三月乞休俸上不允戶部除上
脩省事直一言救荒之策有二賑貸蠲除貴于并行宜詔兵災
地方逋負皆免而官以羨給設法賑濟仍令天下有司儉占常
平義倉之法申明預備社倉之制令監司以積穀多寡課守令
嚴嚴一言幾闕大旱無麥請自光祿寺正供外凡應輸外諸
倉場者順天全免保定等七府又河南山東本折相半以寬民
力一言御馬盡歲派紅花子飼馬納戶苦之古者歲山馬不食
谷直查弘治間免苗著種子剷除之著為令一言南京光祿寺
瓶酒不以供御而虛費錢糧守擾軍民自今宜量造以供祭奠
祇待之用餘改輸米麥便一言宝鈔局歲派印紙最為積弊
以連七十餘萬用五百餘金宜令工部鑄進可省三之二一言

光祿寺廚料如桃棗榛栗類皆北產不宜徵濟南方宜令戶部
給假光祿寺市之京城一言京師米價騰踊宜以閏月折色改
本色仍預令官軍支京倉八月奉糧以平其價一言畿輔莊園
甚于各省積逋宜皆蠲征山東河南廬鳳諸府被兵者勅有司
招撫流移存恤死亡一言今天下民勞而南北水陸之衝尤甚
宜務節省令役夫皆得番休及嚴需索私役之禁一言新任監
司好更舊章立新法率意奏行未幾輒廢自今詔天下諸司悉
遵祖宗成法不得分更則事不煩而民不擾疏奏上以為
然詔如議行惟御馬監并各馬房天師庵豆草紅花子及南京
光祿寺瓶酒室鈔司草紙更令所司詳議以聞△御馬監太監
閻洪奏請外豹房永安莊地戶部言此地故皆永清右衛屯田
洪熙間以半為仁壽宮莊其半以給太清觀道士弘治中改給

指揮趙良至。先帝始以為外豹房地內官司創廨宇其中。臣等奉詔撤毀。令故道士及百戶趙愷分佃輸稅以資屯糧。業已處分。而洪欽私其地利。仍以外豹房為諸夫。先帝以豹房之故遺禍無窮。奉明詔革除。而洪等仍欲修復。以開遊獵之端。非臣等所願聞也。臣請卷還之原。衛徵屯田子粒以助軍底。可永除禍本。詔以地十頃給豹房。餘令道士及趙愷分佃如故。詔給恭讓章皇后父胡榮母劉氏墓地五頃六十餘畝。羅獨沅廠徵收葦課軍道官專責州縣起解。以主事鄭駒言也。戊子。上陞太僕寺卿劉麟為都察院右副都御史。巡撫保定提督紫荆等關。上陞尚寶司卿劉乾為南京鴻臚寺卿。上陞廣西按察司副使劉節山東按察司副使黃昭道俱為布政使司左參政。弗福建昭道雲南陞江西按察司僉事林文輅為本司副